

黟縣四志卷末

志校

姚元可城外雙溪南人康熙六十一年以孝行請旌坊祠知縣顏光佇典史曹憲獎額曰至孝侍養續志載胡元啟下一城兩孝子應更正

三志雜志方外類汪清時道士得胡澗五雷法攷屏山真元道院內牌位作胡月澗三志漏一月字應更正

吳志第一頁吳序第五行云舊志邑中久矣不存按久矣應作久己

又分野篇云甯國府去黟縣北二百五十餘里東二百餘

黟縣四志

卷末

志校

一

里而疆域篇云黟縣北到甯國府宣城縣三百八十里相差至一百二十餘里則二百五十餘里句應作三百八十八餘里

又疆域篇云黟縣東西六十五里南北八十五里後又云南至祁門縣界楠木嶺界四十里北至甯國府太平縣界登塔橋五十里合南北計之是九十里也則南北八十五里句應作南北九十里

三志續紀事表時事欄內云宋儒陸贄明儒呂坤從祀文廟按宋儒應作唐儒

吳志地理都圖內九都村名西坑應作西坑桐坑應作桐

坑下灣坑應作下灣坑

三志都圖續增村名內九都深坑應作深坑以上二條皆因坑坑二字形似而誤也

三志都圖七都石墨嶺按七都有石壁嶺墨字係壁之誤  
三志卷七人物志尙義江隆五都江村人三志誤作汪村  
應訂正

三志卷五選舉志仕宦江隆三志誤作汪隆應訂正  
續志藝文內徐寶森汪貞女詩典我舊時襦典誤作與  
三志藝文內黃德華感事詩荒到米如照乘珠乘誤作事

公稟

請建 丁王二公祠稟

爲功德難忘籲恩詳請建立專祠以孚民望事黔縣自粵  
逆倡亂以來賊之竄黔者卅餘次惟同治二年癸卯春間  
踞浙之賊經官軍擊敗全股竄徽爲數甚多績歛休黔均  
被賊踞焚殺擄掠殆徧山谷僅漁亭一隅幸賴老湘左營  
總兵丁公長勝後營副將王公明輝自祁分駐雖兵祇數  
百而保守嚴密得以無虞維時黔城各鄉逃難遺民及休  
祁婺浮接攘數十里村民扶老攜幼悉仰漁亭爲庇護漁  
亭者七省通衢之要地也賊無日不窺伺兵無日不接戰

黔縣四志

卷末

公稟

前三

迨至三月十七八日賊悉衆直犯漁亭丁王二軍先已探  
知設伏於靄岡齊雲山脚東亭等處侯賊入境前後夾攻  
出其不意賊退不及遂乃斃賊無數擒賊數百悉梟斬於  
漁亭橋餘賊震懾盡由邊境遁逃徽屬從此肅清是役也  
以寡勝衆保全生靈數十萬功雖著於一隅德實被於數  
邑前者 聖恩高厚凡屬有功陣亡將士悉 予恤  
典并 准立功地方紳民籲請建立專祠竊以丁王二  
公出奇制勝陣成背水以擒渠危地獲安賊訝撼山之轉  
易率虓虎揚鷹之士左右陳行遏長蛇封豕之衝氛霧立  
埽英風不泯受恩者羣思畫像之留遺壘猶存銘惠者咸

願豐碑之樹<sup>某</sup>等昔遭患難荷蒙保障以安全今際  
昇平彌憶護持之功德願爇辨香而下拜遍詢輿論而僉  
同伏乞  憲台賞核二公之懋績定沐轉達夫  宸  
聰惟茲黟邑之羣黎總難忘夫偉烈爲此據實具稟條陳  
事畧環叩  憲老公祖恩鑒賞准據稟詳請建立專祠  
報功崇德以孚民望其建祠工費閭邑自行籌畫度幾春  
祀秋祀長歆漁埠之馨香  國恩憲恩永比黟山之高  
峻謹稟

一丁王二公分駐漁亭僅五百人紀律嚴明秋毫無犯常  
以奇兵制勝匹馬當先軍中服其神勇

黟縣四志

卷末

公稟

前四

一是時浙賊全股竄徽踞黟城及四鄉數萬賊每日由黟  
石山休小溪撲犯漁亭丁王二公戰守有方人皆倚爲  
長城

一是時不但績歛休黟悉被賊踞卽祁門之南浮梁之北  
亦有賊踪數十萬難民聚在此間故三月十七八日賊  
率衆悉銳思破漁亭營以肆其擄掠賴丁王二公一戰  
大獲全勝數十萬生靈保全無危故至今咸仰戰功之  
高恩德之厚

一賊常糾黟西休北屯賊從東亭間道撲漁亭營約討賊  
衆萬餘丁王二公先已偵知乘天未明設伏於靄岡及

齊雲山脚伏兵渡水夾攻東亭伏兵已起而奪賊卡賊見伏兵四起莫測多寡之數丁王二公馳馬先登衆兵悉從以一當百賊遂大潰斬首數千溪水皆赤賊爭渡溺斃無數生擒賊數百是役也以少擊衆謀定後動實爲徽防戰功之最所以民不能忘

一未戰之先一日晚間二公見商民在漁亭者甚衆悉在營後諭膽怯者可先遠避若待賊至而奔易搖軍心必以軍法從事如有膽壯者准其觀戰商民素知二公謀勇兼全知必獲勝仗於是多登山助軍威故知戰狀之詳

黟縣四志

卷末

公稟

前五

欽定平粵匪方畧同治四年閏五月十四日左宗棠徐宗幹奏汪海洋一股自大埔回竄永定總兵王開琳飭丁長勝分軍扼紮距城三十五里之獵射凹屢戰皆捷詎汪逆以一股撲永定縣城一股分犯獵射凹營壘先於要隘分築四壘以絕永定赴援之路復添築數壘困之丁長勝忍飢力戰相持兩晝夜逆賊愈裏愈厚破壘而入丁長勝竭力陣亡各營隨陷

上諭丁長勝着照提督陣亡例議卹並加恩予謚准其祔

祀湖南道員 王鑫專祠

光緒二十九年三月二十七日稟

請示加禁種薯掘窖公稟

光緒三十年二月初三日

具稟前署貴池縣訓導余攀榮等稟爲懇恩給示加禁永保闔邑龍脈事緣邑城縣治泮宮來龍發脈於芙蓉障委蛇而下由深田坑過峽聳頂鋪下五通殿數里平岡歷黃土嶺白沙嶺等處起伏曲折至東嶽山頂落脈城南入首轉折主簿墩而建縣治前起泮宮自發脈至此一帶十餘里皆屬縣龍實闔邑官民紳士命脈之所關也查邑志載乾隆四十六年闔邑紳民稟請縣示勒石永禁縣龍所屬地方及南北護山凡有關縣治泮宮龍脈者永遠不得自行出租與人開窑劈挖泥土燒造磚瓦並種山藥番苕埋

黟縣四志

卷末

公稟

前六

苕窖等項誠以燒窑挖窖掘土甚深有傷龍脈俱屬一概禁止至今百有餘年附近居民凜遵無異詎近年來各處居民客民多有違禁種苕爲業每於縣龍要害之處掘挖苕窖深濶丈餘約有數十處致縣治泮宮龍脈受傷官民因多不利榮等目覩其害若不籲恩賞示加禁闔邑受害無窮况苕之爲物非同五谷爲饗殮所必需若令改種蔴豆粟麥於地脈無傷於生計有裨尤爲公私兩便爲此環叩 恩賞給示嚴禁自縣龍發脈至入首地方以及各都村居凡屬居民客民賞禁不得種苕以杜挖窖貽害乞飭地保傳諭限令填閉庶闔邑龍脈永保無虞實爲德便

戴頌上稟

縣憲劉批

據稟已悉查芙蓉障深田坑五通殿黃土嶺白沙嶺等處均係縣治來脈有關閣邑休戚歷經禁止種苕取土挖窖燒窖等事據稱附近村民日久弊生任意燒挖至數十處之多貪圖微利有碍大局實屬不令候出示嚴行禁止並飭各該地保傳諭居民一概不准種苕取土挖窖燒窖已經種有苕苗立即改種五谷所挖窖窖一律填平以保地脈而安地方

縣憲劉示

黔縣四志

卷末

公稟

前七

爲出示嚴禁事據前署貴池縣訓導余攀榮等

閤邑

紳士

稟稱邑城縣治泮宮來龍

原呈照錄

至縣治泮

宮龍脈受傷官民因多不利環叩賞示嚴禁等情到縣據此除批示外合行出示嚴禁爲此示仰閣邑居民客民一体知悉自示之後凡屬芙蓉障一帶縣龍所經地方以及南北護山一概不准種苕埋窖燒窖取土挖泥其已經種有苕苗者立即改種五穀先前所挖窖窖亦限十日內一律填平以保地脈並責成各都捕保隨時稽查倘敢不遵一經覺察或被告發定卽提案從嚴究治決不寬貸其各凜遵毋違切切

特示

請示刊碑禁取魚稟

余良弼

爲水族遭殃民生滋患籲恩立案賞示勒碑事緣本城東門外綠水潺潺滌洄似帶紅鱗尾尾來往如梭釣使人恭不妨竿垂磯畔物非民害何忍毒肆澤中爲緣游手之貪殘巧取更思盡取曾體天心之仁愛請懲屢蒙嚴懲乃禁漸久則漸寬亦令不行則不肅近有莠稂藐法竟教蒲藻罹災或摸或叉不啻搜巢掃穴用筌用網安得跋扈跳梁而且毒藥是施澤流俾斷深入而鯤鮪盡斃傍行而蝦蟹不留飲此水者毒襲肺腸時疫在所不免購斯魚者患滋

黔縣四志

卷末

公稟

三

口腹癘疾尤覺可危正非特露體赤身風俗大壞折礪毀塋修葺維艱已也職等身近城隅心傷溪畔願邀德澤冀養休和爲此環叩恩鑒賞示嚴禁全衆生之命垂千載之仁從此魚夢占祥於焉鳩安誌感戴德上稟

請示瘞骼稟

爲擬埋暴骨以廣仁恩恐有後言伏乞先示事竊以作台掩骼咸欽惻隱爲心瘞旅成文不必姓名可指蓋虺蜮偕麀語並至易摧曠野遺骸而魚鱉與螻蟻誰親不過達人戲論也某夙承虹井居倚屏山近村皆峻岷平岡其上多新阡舊隴夙曾捐輸義塚均經載入志書溯從封豕肆灾

洊罹劫火每值相羊有暇悵望蒿萊伏覩土名蔴榨等處  
義塚共計未葬之棺二十餘具或瓦敗甑頽幾露既藏之  
齒或雨淋日炙且銷已死之魂或歆側崖傍轉瞬卽同玉  
碎或橫斜田畔現身將受泥犁有惻中懷徧詢鄰近悉祭  
掃之子孫渺矣矧移厝之歲月茫然倘訊生平除非起九  
原而問號曰冥漠真欲仿八代之文意其雖有後人早作  
飛鴻遠引抑竟遭逢厄運絕無翼燕留貽用是擬代掩埋  
胥令仍依故址庶長逝者得安體魄亦來尋者易覓蹤由  
無如誼異家人恐致災生无妄恭維 憲台德隆述祖出  
自蒼生情屬高天惠已周於蔀屋性兼濟物澤宜溥於泉

黔縣四志

卷末

公稟

四

臺爰推仁恩先求明示乞運鳳毛之筆俾成馬鬣之封憶  
朱林之遺軌堪追具畚插而特陳豚酒知惠連之流芬愈  
播作祭文而別有鴻裁云爾

爲沐恩批示瘞骼事竣專乞祭文永銘盛德事竊以碑樹  
依山洵足增山之色文成泣鬼必先服鬼之心苟非椽筆  
之特揮難免黎邱之爲厲前月二十一日<sub>某</sub>等擬埋暴骨  
稟叩臺階仰賴仁恩批令速辨謂瘞藏之宜急祭文且俟  
之他時已冥漠之咸知接武可追乎前哲<sub>某</sub>等卽推駿惠  
刻速鳩工如榘之尙完者妥爲窀穸於材之已朽者更助  
灰釘竭絲叢以荷鋤悉邱封之若斧經十二日埋册一棺

一時之黃壤皆新幾歲之青燐盡伏凡茲善舉實仗宏慈  
或有後圖尚需異日第逝者不憂乎舛午而餒者尚類於  
呼庚不有藻詞曷陳蘋薦恭維 憲台八年膏雨一路福  
星義所在則勇於爲信所衷而言可復不愧安石後裔旬  
本碎金舊稱庭皓同根篇成堆錦屬文七歲無袁淑已獨  
秀江東下筆千言與鮑昭而同歌薊北爲此再求渥澤迅  
給祭文庶幾誦向空山盡是驚人之句還待泐諸貞石永  
教息壤之留不盡微悰伏冀垂鑒謹稟

韓胡氏請旌公稟

程定保

爲烈婦殉夫公請旌表環籲詳報以勵薄俗而慰貞魂事

黔縣四志

卷末

公稟

五

竊維簪纓傳世胄名媛亦爭日月之光巾幗有完人大節  
足壯山河之色故詠柏舟而矢志之死靡他而藉彤管以  
揚芳所生無忝邑十都竒墅優貢生韓紹祖之妻胡氏幼  
承姆訓長適名門射孔雀之屏一枝中目舉孟鴻之桉三  
載齊眉在室則相依祖慈口授班昭女誠宜家則無違夫  
子心儀冀缺妻賢蘭膳承歡婦職兼修乎子職篝燈佐讀  
鍼神常助夫經神方期鵬翼搏風郎君遠到豈意鵬聲叫  
月豎子潛侵氏夫以誦讀勞辛遂抱伯牛之疾氏姑以愛  
憐少子徧求扁鵲之方祈神悉本心誠飲醜竟將身代金  
萱草折姑方絕跡人間玉樹枝摧夫亦修文天上斯時也

鏡鸞牛破釵鳳雙飛落殘並蒂之花淚枯鶻血擲碎長生之果哭斷猿腸人是未亡何心獨活妾真薄命有意捐生夙欽毀容割臂之貞擬效絕粒投繯之舉奈諸親時時慰藉令老媪密密防閑於是強作歡顏勉襄大事祭之以禮虔供蘋藻之馨夜如何其暗蓄芙蓉之汁乘人不覺視死如歸竟於四月初七日服毒以殉烈由義盡節與孝兼從一而終永作貞媛之範有三不朽宜邀曠典之褒某等或情切葭莩或誼關桑梓其證以見聞之確忍聽其湮沒不彰爲此謹呈烈婦事實並族鄰切結環叩轉詳俾邀旌典以勵薄俗而慰貞魂實爲公便

黔縣四志

卷末

公稟

六

稟請取銷石灰捐全案

具稟黔縣公民余攀榮王淦姚國儀孫樹昌李世祿胡元吉吳翔藻葉新鈴葉紀鏞葉紀勳江汝祥程觀濟余光裕胡傅霖盧琪葉騰芳黃鴻翥舒廷淇葉自珂余光敷葉新元余光藻黃翰葉自璋黃樹玉孫林芬余旭升黃汝恭王文松胡文瀾舒文綺余燦藜葉學遜孫蘭生葉如懷汪寶瑜孫漱芳余偉葉自隆汪元澧吳國祥汪桂吳長駿胡崇奎吳應夔爲灰捐煩苛病國病民籲懇取銷原案以恤民艱事竊黔邑山高水寒農業肥料向恃石灰爲大宗前清時闔邑公議每觔定價二文所以勸農業而杜後患意至

美也自灰商查觀盈等請願抽收灰捐以爲農會經費呈請前 縣憲朱詳請准行當時農民瀝陳困難懇請取銷情形蒙 批理應照常售賣不得增漲在案嗣鑒於農民疾苦終未肯見諸施行今 石知事准農會所請維持灰捐實行抽收於是灰價每斤陡漲至三文及三文以外不等民不堪命怨聲沸騰在 朱知事據灰商請願而詳准石知事據前任定案以維持原與灰商農會罔利之意旨不同惟灰捐之爲害不獨一農而已謹就所見情形約畧陳之查農業獲利最薄而黔邑肥田用灰最廣農民終歲勤勞僅獲一飽若捐一分則受一分之累縱使歲無歉

收農力已難擔負一旦旱乾洊至後患更何堪言此加捐有害農民一也黔邑地狹人稠民食素虞不足故丸地方各捐從未議及石灰者誠以石灰爲農家所必需卽民食所從出也若一旦抽捐農民既無力擔負田業必日就荒蕪本以山多田少之地轉加田蕪業荒之虞則民食更將奚恃耶此加捐有害民食二也國家田賦出於農捐累及農勢必耕輟業荒田賦之輸納不能不受影響此加捐有害國課三也綜此三者實於國計民生有關非一人一家之害今日民窮力盡情勢昭然故中央提交和平會議政治計畫書凡現行煩苛厲民各稅皆將裁汰仰見體恤民

情期蘇民困之至意灰捐病民自在煩苛之列以現行苛稅尚須裁汰則未行苛捐自應撤銷正所以上體中央下除民害者也苦謂捐由灰商請願並非取諸農民則灰商何以又有增價之事而農會何以又有按觔抽收之文總之農會原所以利農似不宜受灰商朦蔽厲行病農之政現在農民憤急紛向榮等呼籲榮等目覩農民迫切之情形民生困若之狀不能不代爲請命除稟請省長外理合具稟籲懇實業廳長鑒核俯賜詳請取銷石灰加捐原案飭縣知照農會另行籌款不勝屏營迫切待命之至謹稟

黔縣四志

卷末

公稟

八

具稟黔縣農民吳鼎輝胡張華徐觀祿等共壹百壹拾壹人爲苛捐病農籲懇銷案以恤農艱而杜後患事竊黔邑處萬山之中土薄水寒農民等耕種向以石灰爲肥料大宗前經闔邑公議定價每觔二文歷守無異清季有稟抽灰捐以辦學校者歷蒙前縣憲批駁未准蓋實鑿石灰爲黔邑農業所必需而農業又爲黔邑農民等所託命者也民國以來農會曾有抽收灰捐之議終憚於輿情之難拂弗敢遽議實行不意近有灰業商人查觀盈等受人利誘請願農會朦稟前縣憲朱詳請准行抽捐業經農民等瀝陳困難懇請詳銷各情蒙批石灰理應照常售賣

不得增漲在案嗣見灰捐與農業關係密切迄未施行茲農會復請 石縣憲維持灰捐實行抽收 石縣憲不加體察佈告風行灰價驟漲至三文及三文以外不等農民等曾懇邑紳代為籲免乃農會以灰商請願為口實 縣憲以省署定案為諉卸夫灰商苟無大利何至請願抽捐農會若無隱情何必重提舊案黑幕重重盡人可見所惜石縣憲蒞黔未久竟為農會所朦不代農民請命反為農會維持是以 朱縣憲擱置不行者今則佈告施行矣朱縣憲未許增漲者今則任其高抬矣農民等在農言農終歲辛勞僅得一飽若捐一分則受一分之累捐一文

黔縣四志

卷末

公稟

九

則受一文之累即令歲無歉收民力已難擔負一旦飢饉為災餓莩更覺堪虞此農民等無力負灰捐之實在情形也即以農會論農會之設原為利農起見今不另籌他款而乃抽農民等不堪擔負之灰捐不知農會以為利農耶害農耶誠百思不得其解也惟農會亦明知不能以利農之機關行病農之事實故不由會員倡議而由灰商請願是灰捐之有病農事農會早已洞若觀火矣乃不援手以拯其溺反下石而速之亡利慾熏心於此可見農業為農民第二生命灰捐之害農業實不啻害農民之生命農民等窮無所告不得不奔轅呼籲除稟

省長外爲此籲懇

實業廳長鑒核俯念

農民

等困難情形迅予詳請取銷石

灰抽捐原案以恤農艱而杜後患

農民

幸甚戴德上稟

安徽實業廳訓令

民國八年五月二十七日

案據該縣公民余攀榮等農民吳鼎輝等先後稟稱農會呈縣加抽灰捐煩苛病民懇請取消原案以恤民艱等情前來查抽收灰捐補助農會一事本廳無案可稽據稱各節是否屬實合行抄發原稟令仰該縣知事即便查明妥議具復以憑核辦切切此令

附抄稟二件

公請縣長澈查灰捐病農據情詳銷稟

黟縣四志

卷末

公稟

十

具稟公民余攀榮等爲灰捐實妨農業環請查明詳銷事

竊攀榮等

前據農民以灰捐有害農業等情紛請轉懇籲

免並籲懇

省長暨

實業廳長撤銷原案奉批行查在

卷伏思黟邑山高水寒百穀非石灰不能滋長從前灰價及秤碼由闔邑紳耆在碧陽書院核定灰商無增縮之自由權歷經遵守誠以石灰爲黟邑農業必要之大宗肥料若任意增加則農業必受影響以故官民歷辦新政所抽捐欸其有議及石灰者官民均一致駁斥案牘具在可以詳查此次灰商查觀盈等請願抽收灰捐補助農會司馬昭之心路人皆見夫以農會會員不敢建議之灰捐案該

灰商獨冒不韙請願抽收是灰捐之不宜抽收與夫灰捐之有害農業皆於此露其端倪就事理而言請願出於灰商則此項灰捐當然係灰商一種報効斷不能按觔抽收加諸農民之灰價朱知事前批農民瀝陳灰捐困難稟內亦有理應照常售賣不得增漲等語是朱知事亦明知此項灰捐宜出之灰商不宜加諸農民自灰商請願後三度增價始則每觔自二文增至二文七毫繼則自二文七毫增至三文現更由三文增至三文三四毫不等夫以每擔三十文之捐增至四倍之多一加再加靡有底止其距燒灰之處遠者三四十里買灰一擔往返必須兩日蓐食露

宿困苦不可言狀總之農會所得者有限農民所費者無窮若不籲懇豁免則名目所在隱患潛滋瞻念前途殷憂彌切又况黔邑山多田少民食不足若必使農民受灰捐之累則輟耕勢所必至本以山多田少之區加以田蕪業荒之虞民食更形不足又况田蕪業荒國賦亦受影響是灰捐縱有利於農會而不知受其害者農民而外更有重大之民食與國賦也據稱此項捐款以春季爲最旺查此次經收繳縣之數僅七十四千試問此利屬公屬私自在洞鑿之中兩利相權取其重兩害相權取其輕權衡利害輕重之間不得不仰乞於我

廉明縣長之澈查熟計將灰捐原案據實詳銷則全邑之民咸拜大德於無涯矣爲此環請

大知事鑒核施行謹稟

民國八年六月十一日

黔縣知事石璞呈請實業廳廳長高炳麟文

六月十七日

爲呈請事案奉鈞廳訓令內開案據該縣公民余攀榮等農民吳鼎輝等先後稟稱云云此令等因附抄稟二件到縣奉此查黔邑石灰捐朱知事任內因農會經費毫無根據該農會所請每石灰百斤擬抽錢三十文作爲該會常年經費並據灰業商人查觀盈等呈明樂捐當經朱知事呈奉

黔縣四志

卷末

公稟

十二

省長令准

知事

到任後據農會會長舒桂華等呈請實行

抽收又經出示布告並委任胡紹敏經理收捐事宜各在案茲奉前因並據該公民余攀榮等來縣呈稱黔邑山高水寒百穀非石灰不能滋長是石灰爲農業必需之大宗肥料從前灰價甚賤近因柴薪人工昂貴價值繼長增高農民已覺不堪若再行抽捐實屬力有未逮呈請取銷等情

知事

查石灰抽捐係補助農會經費本屬照案辦理該

公民余攀榮等既以農力未逮呈請免收自應准如所請將灰捐原案取銷以順輿情理合具文呈請仰祈

廳長鑒核俯賜轉呈

省長指令祇遵實爲公便謹呈

安徽實業廳訓令

民國八年七月十七日

案奉

省長指令本廳呈據該縣查明石灰爲農業大宗肥料碍難抽捐由奉 令內開呈悉灰捐病民旣准取銷農會經費自應別籌的欸以資補助仍仰該廳轉令該縣妥議辦法轉呈到署再行核奪可也此令等因奉此查此案前據該縣呈請到廳當卽轉呈核奪在案奉令前因合行令仰該知事卽便遵照將另籌農會經費辦法妥議呈復以憑核轉切切此令

黟縣四志

卷末

公稟

十三

黟縣公署公函

民國八年七月三十一號

逕啟者案奉 實業廳訓令內開案奉 省長指令本廳呈據該縣查明石灰爲農業大宗肥料碍難抽捐由奉令內開呈悉云云此令等因奉此查此案前奉 實業廳訓令案據該縣公民余攀榮等農民吳鼎輝等先後稟稱農會呈縣加抽灰捐煩苛病民懇請取銷原案以恤民艱等情轉飭查明妥議具復等因並准貴紳稟以農會抽收灰捐有害農業聯名請轉呈將灰捐原案撤銷等情前來當經本知事轉呈並飭令經收灰捐人胡紹敏停止抽收各在案茲奉前因除農會經費另行籌議辦法外合行函

達貴紳煩爲查照此致

具稟公民余攀榮等爲灰捐蒙呈撤銷籲謝鴻慈并懇勒石示禁以垂定案而保永久事竊農會請抽灰捐一案經農民吳鼎輝等以石灰抽捐煩苛病民等情瀝陳苦况一再呼籲公民等據情聯名稟請撤銷當蒙憲台轉呈並飭經收人胡紹敏停止抽收各在案今蒙函知案奉實業廳訓令內開奉省長指令廳呈該縣查明石灰爲農業大宗肥料碍難抽捐由奉令內開呈悉灰捐病民既准取銷農會經費自應別籌補助仰該知事即便遵照等因到縣令行函知貴紳煩爲查照各等因奉此仰見憲台體恤民艱

黔縣四志

卷末

公稟

十四

上達下情兼籌並顧至意欽佩靡涯惟此次石灰捐幸逢憲台誠心愛民列憲明見萬里得以卽予轉圜據情銷案但政先重夫民意害貴杜夫將來用特申謝外令再懇請出示加禁以垂定案而保永久使以後地方無論公私籌欸不得於此項灰捐名目再行提出俾知農會爲法定機關且不能抽收灰捐以資補助卽嗜利之徒自不敢更萌覬覦巧立名目重事抽收而灰商窰戶亦不至藉端抬價以傷農業將見桃源百里頌仁政於無窮也爲此伏叩

縣長鑒核施行上稟

九月三日

知事石批 稟悉准給示永禁此批

黟縣石知事布告示

民國八年九月七日

案奉

實業廳訓令內開案奉

省長指令本廳呈據該縣查明石灰爲農業大宗肥料碍難抽捐由奉 令內開呈悉灰捐病民既准取銷農會經費自應別籌的款以資補助仍仰該廳轉令該縣妥議辦法轉呈到署再行核奪可也此令等因轉飭到縣查此案前奉實業廳飭查並據公民余攀榮等四十五人聯名稟稱以灰捐實妨農業環請查明詳銷等情當經本知事轉呈在案茲奉前因復據該公民余攀榮等稟以政先重夫

黟縣四志

卷末

公稟 告示

十五

民意害貴杜其將來以後地方無論公私籌款不得於此項灰捐名目再行提出請予出示加禁以垂定案等情前來除批准外合行布告爲此仰闔邑諸色人等一體知悉此布

民國八年九月六日

胡何氏請旌公呈

羅開榜等

爲現存節婦胡何氏行誼可風擬懇轉呈

特予褒揚以資激勸事竊查有同鄉黟縣人調豫任用縣知事河南省長公署印電處主任胡蔭培之母胡何氏生秉至性年甫十二歲適值洪楊之變皖南各邑蹂躪殆遍氏隨母避亂山中日炙雨淋備嘗辛苦中途糧絕恒啖樹

皮草芟以充饑每得食必先以奉母偶遇賊氏卽以身翼母自請就刃以代賊感其孝卒兩釋之賊過復行偕母竄伏巖壑出入扶持一日夜間爲賊追急與母倉猝隱巖巔母失足隕亂石中頭破血溢氏呼號哀泣欲以身從同行憐之冒險曳起少頃一賊突至見氏依附母側淚不可仰賊亦蹙額舍之去轉徙流離如是累月賊退始得歸家團聚由是鄉里以孝聞年十三氏患暗失聲時已半載百藥罔效適坐庭間聞母呼婢不應觸動胸懷驟然發聲舉家欣幸咸謂孝感所致年十九歸同里國學生胡仁澤爲妻時翁姑就衰家道中落夫又棄儒服賈常客他鄉家政百

黟縣四志

卷末

公稟

又十五

端悉賴主計上事舅姑先意承志唯恐不得老人歡心光緒六年冬舅先棄養氏佐夫治喪致哀盡禮無何姑又臥病氏熨寒問燠恒至申旦露坐禱天乞以身代未幾姑病霍然越四年氏夫病故氏年三十有六痛失所天誓以身殉不食已經三日戚族咸以衰姑在堂諸孤待撫大義相責強起視事其時姑年已七旬有二子三女一長子蔭墀年十一中子蔭培八歲少子蔭暹三歲女則纔數月而已後姑年直至八十有四夙有重疾委頓床褥舉動賴人氏侍湯藥頃刻不離姑憂亦憂姑喜亦喜凡有所需頤使目求無不曲當其意衣不解帶先後十餘年姑病增劇醫者

抄存縣署公函稟件

民國五年十二月二十日

逕啟者案奉 省長倪訓令內開案准

教育  
內務

部咨開蓋

聞外史掌四方之志分職列於周官尙書備累代之規則壤詳夫禹貢是以保章辨埜迺嬗圖經鄴侯入關先收圖籍敷陳經制傳後必期夫信今薈萃前聞徵文尤重於考獻在昔有清全盛嘗以一統設局編書洎乎宣統初元猶詔各省分行修志改革而後茲事未遑殘闕相沿陋畧已甚倘不及時纂錄曷以垂示方來又況時異勢殊既體裁之不備鼎新革故益事例之難沿卽如山川昔重橋梁而

黔縣四志

卷末

公函

十六

今則商業交通衰盛宜資比較經政古稱述畧而今則選舉學校名實且有異同他如水利塩田現制之額徵已變府州廳縣行政之區域亦殊金石多晚出之編紀載以搜羅而益富物產有特殊之品供求視時勢爲轉移凡厥推遷宜新去取連類以及爲類纂繁是宜採統計成規圖志兼詳表式仿地誌近例天地更著人文庶幾不主故常得徵實用不使温大雅之記王業徒誚空文畢仲衍之祀汾陰僅傳名義夫沿革勢也揆勢因以察來損益時也度時可以觀往凡郡邑所由經緯人事所由設施談故實者道在博徵文獻述時政者要貴昭著見聞方今舊聞未墜二

已不下藥氏百方求治希冀轉機及至彌留一慟幾絕盡  
哀盡禮無微不至姑嘗謂人曰吾若無此賢媳安能有此  
餘年吾瞑目矣聞者無不以賢孝稱焉蓋孝固非易久而  
尤難氏兼通書史早年自課幼子晚歲訓迪諸孫其盡力  
於家庭教育始終不懈即其中子蔭培學古有獲服官豫  
省卓然自立亦得諸母教爲多尤喜急人之急族鄰每有  
告貸無不償其願以去而於地方道路橋梁尤喜先輸巨  
資爲鄉人倡甚或典釵鬻珥以應其求無所吝惜並不令  
人知遇有公益事項輒厚爲資助其自奉儉約一如平時  
至老不倦鄉里稱之蓋其樂善好施天性然也氏現年七

黟縣四志

卷末

公稟

又十六

十二歲計守節已三十六年考其行誼核與修正褒揚條  
例第一條第一第三第五第六四款相符其事難能尤與  
特褒之例相合<sup>榜</sup>等或誼屬通家或分居子姓知之較切  
因舉以聞理合造具事實清冊並具證明書連同褒揚費  
具文呈請仰祈

大部鑒核俯賜轉呈特褒實爲德便謹呈

內務總長

大總統特頒胡何氏節孝褒辭

大總統褒曰汲晨登鯉姜婦播廣漢賢名佐讀丸熊柳母  
創河東家法自來淑媛每多完人爾安徽黟縣胡仁澤之

三子之口說能詳遺籍待蒐百廿國之寶書猶在應由各  
省區飭屬酌量情形分行纂輯費因地集事若出乎分圖  
政以人存例無取乎仍襲將見三輔有黃圖之作盛典重  
光九共爲輿地之書逸篇能補庶乎揚子雲之鴻筆鉅製  
從新且使閔仲叔之豬肝使君無累所有通飭續修各省  
縣志緣由相應咨行貴省長請煩查照轉飭所屬體察地  
方情形酌量興辦並希見復等因准此除分令外合行令  
仰該縣體察地方情形酌量興辦並將興辦情形呈報本  
署以憑咨復此令等因到縣奉此

丁巳年十二月十九日

黔縣四志

卷末

公函

十七

逕啟者案奉

省長公署訓令內開案准

內務部咨開竊維括地成篇外史掌四方之志廣輿有記  
柱下藏百國之書從來開國首重籍圖自昔經邦廣徵文  
獻况玄黃遞嬗之會正典章絕續之交將欲敷布治猷允  
宜訂修方乘前經本部會同教育部通行各地方飭屬續  
修縣志迭准咨復多已轉飭辨理在案惟事關纂修盛業  
自難急切程功綜其梗概可得而言改革以來瘡痍未復  
軍資政帑羅掘俱窮兵燹天災庫藏早罄制國用於預決  
算書以內仰屋猶嗟增巨帑於出入之計之餘點金何術

妻何氏婦道咸修人言無間舉梁家鴻案齊眉有德曜遺  
風挽鮑氏鹿車椎髻師少君法度牽萊衣而舞綵設韋帳  
而傳經累石成橋名勝脩洛陽之景布金滿地功德徧孤  
獨之園行誼如斯褒揚允當於戲劉中壘作列女之傳德  
行所先葛鈔真博菩薩之稱慈悲無量光乃綽楔煒茲管  
彤

中華民國九年五月 日

并隨頌

慈孝揚麻四字匾額一方金質褒章一座

黔縣四志

卷末

公稟

又十七

其故一也撰述典文取資宏達懷經負帙宜集方聞博物之儒茹古涵今必兼舊學新知之彥然或則地介交通楚材可借或則邑懸僻遠碩士難求其故二也事涉藝林未容簡陋開石渠而延士徒建高墉設秘閣以藏書亟需廣廈圖書館觀繁興土木之功版築雕糜疇給泥沙之用其故三也顧纂輯新志雖未易驟覩厥成而掇拾國聞甯可不預爲之計例如政域軍區之計畫今昔懸殊選舉學校之規程沿革互異山川形勝或輕設險而重交通水利盭田或易經徵而更舊額天時物產或緣科學而資發明金石文章或因晚出而多記載以及新謂軼聞或四部猶虛

而一夫乃獲稗篇野乘或私家所有而官府轉無待事蒐羅用資考鏡宜廣獻書之路益高樹礎之基此時拾遺補闕式儲纂言紀事之材他日設局役書自收事半功倍之效應請查照通飭所屬除已設局開辦各縣仍應積極進行外其未經開辦各縣應卽體察情形先從徵求文獻入手延集地方紳耆暫就各該縣自治機關附設處所預籌進行辦法凡關於鄉邑見聞公私撰著足供續修縣志取材者均應廣爲搜集先事編存以資籌備庶此時雖殺青有待尚不至文獻無徵而將來鉅製程功尤大省網羅之力在貴省長當與本部有同一之願望也所有各屬辦理

情形並希彙復等因准此查此案前准

內務部

會咨飭

屬興辦業經通令各該縣遵辦在案茲准前因除分行外合行令仰該知事即便遵照前令兩令切實辦理仍將辦理情形呈報本署以憑咨復此令等因奉此查黟邑續修縣志早經籌定經費設立公所並經本署照會各都紳耆分任編纂採訪庶務等員各在案除呈覆外合行函達貴公所煩爲查照希將編纂採訪等事辦理情形尅日覆縣盼切此致

四志公所

黟縣行政公署公函

黟縣四志

卷末

公函

十九

逕啟者案奉

安徽水利局訓令內開案奉

省長令開本年四月十四日准

內務部咨開查治河防海備載水經築堰修堤並詳史乘漢唐以後代有專書元明之間尤多故蹟惟是滄海屢易浩劫頻經官府庋藏既多散佚私家著述亦漸淪亡雖故河畧改泥古難以律今而往事可師考同尤須證異比年以來水患頻仍險工迭報歲糜鉅帑民苦離居護埽防堤舊法難期久遠因椿築檻新工詎易堅牢自宜參用中西冀紓昏墊溝通新舊俾澹沉災茲由本部組織全國河務

研究會召集技術專家及舊時熟悉河務人員妥慎籌維  
悉心討論溯遺規於神禹採治法於歐邦窮究源流共畫  
宣防之策力籌疏塞亟爲根本之圖顧閉門造車馳驅靡  
易削足適履行止彌堅擴澤防川未可拘於成見集思廣  
益實有賴於周諮爲此旁搜載籍博採羣言所有各省歷  
年辦理險工紀志以及耆宿時賢關於所著治水論說無  
論片羽碎金均請轉飭廣爲徵集其現任河務人員本諸  
實驗有所條陳者並准直陳本部以資採擇至此項圖籍  
卽希於文到一月內迅速報部庶期窮源竟委考究精詳  
並顧兼籌推行盡利田疇作又蒸民蒙乃粒之庥河海安

瀾衆庶免其魚之嘆除分行外相應咨行貴省長查照辦  
理並希速復等因准此合特令行仰卽遵照部限旁搜博  
採廣爲徵集速行送署以憑咨轉並飭現任水利人員如  
果本諸實驗有所條陳准其直呈

內務部以資採擇仍分報本署查攷毋稍延誤切切此令  
等因到局奉此合亟令行到該知事卽便遵照令飭各  
節廣爲徵集限二十日內速送來局以憑彙呈轉咨勿延  
切切此令等因奉此除布告外合行函達

貴公所煩爲查照如有採集從前辦理河務險工紀志以  
及耆宿時賢關於所著治水論說無論片羽碎金均請照

抄一份剋日送署以憑轉呈盼切此致

四志公所

中華民國六年七月二十五日知事朱紹文

致太平縣知縣熊幹生書

光緒三十二年閏四月

安徽布政司

馮

煦

夢華

幹生仁兄大人閣下逕啟者貴縣土地饒沃出米甲於皖南徽州如黟縣等處向賴販運以為挹注近來米禁暫開鄰省又遭水患米價漸昂聞黟縣商民有赴貴縣購米各米行稍稍把持創議閉糴尊處并未示禁而民間私相阻撓有妨轉運同居一省漫分畛域似於民生有礙務請明

黟縣四志

卷末

公函

二十一

加查察如果屬實即須剴切曉諭俾米粟互相流通鄰封不至告匱公誼所關幸勿膜視并將辨理情形剋日見復為盼敬請升安

致

祁門  
石埭

縣知縣

張劍雲  
陳南陔

書

馮

煦

貴縣土地饒沃出米甲於皖南徽州黟縣等處向賴販運以為挹注近來米禁暫開鄰省又遭水患米價漸昂聞黟縣商民有赴貴縣購米者各米行互相把持創議閉糴查向來米禁係禁之於出口非禁之於內地尤非禁之於一省現奉兩江督憲明諭凡同省有閉糴者速行禁止以利民生而化畛域等因除告示另行頒發外合先專函布達

務須剴切曉諭俾米粟互相流通鄰封不致告匱公誼所  
關幸勿膜視並將辨理情形尅日見復爲盼揣此敬請升  
安

吳知事照會

爲照會事案查前由縣紳余攀榮姚國儀葉燾程肇玉等發起續修黟縣四志以資彰闡公函請聘程紳壽保爲續修四志編纂等因業經照會邑紳議籌經費設立公所在案現據該紳聲稱公所業經成立並經汪汝升捐洋壹伯元汪華鈺捐洋壹伯元金敬善捐洋壹伯元何乘龍捐洋壹伯元汪升圭妻朱氏捐洋叁拾伍元胡季梅妻姚氏捐洋貳拾元林泰捐洋拾元補助開辦經費吳翥認助鑄印各經費所有纂校採訪以及經理庶務各員函應開列銜名請爲照會分任開辦等情前來准此除分別知照外爲

黟縣四志

卷末

照會

二十三

此備文照請貴紳充任纂校員並希尅日到所以資助理文獻之傳有賴通才貴紳夙擅三長必克贊襄一是也特此照會

金懷德堂

一都北隅  
外魚鱗磅

捐洋貳伯圓

拾遺

福州府正德志云程邁徽州黟縣人建炎四年以朝散大夫徽猷閣待制知福州時建寇猖獗邁請師於朝命參政孟庾少師韓世忠討平之州人各爲立生祠因更名武備堂曰止戈以旌其功自臺門至虎節門大并有七歲久多湮悉令濬之民獲其利紹興間復以顯謨閣直學士左中奉大夫再知州事

按右所載較宋史及黟初志討賊請兵無帥統姓名情事爲確

黔縣四志卷末

跋

縣志者志一縣之人與事也縣以內者志之縣以外者不必欄入縣所有者志之縣所無者不必鋪張似甚易易也然而有難焉者一則採訪之難一則調查之難採訪曷難乎有亟應志者屢訪之而無從有無庸志者不訪之而疊至或訪諸此而稍知其畧或訪諸彼又迥然不符或者宿莫悉其由忽得諸偏隅之野老或子孫遽忘其祖乃得諸他處之親朋語言必審其真陳述務求其確此採訪之難也調查曷難乎時當改革冊檔大半無存事費蒐尋年月

黔縣四志

卷末

跋

一

殊嫌失考或遺編偶得而豕亥時訛或舊卷堪徵而蠹殘幾盡或碑文久經剝蝕古蹟難問諸荒烟或筆記可備參稽私家又珍爲秘本欲詳焉而不得欲畧焉又不能此調查之難也至於部別數十餘類則排比難文成數十萬言則校讐難又難之顯焉者耳今四志幸已成書程清耆先生力任其難於先<sub>斯笏</sub>勉繼其難於後敢陳經過聊紀艱辛三志有言曰心目雖已畢至仍恐未能盡善其難其愼如見典型茲志雖成預知他日考其異而證其誤當必有李心傳王世貞其人接踵聯翩而起者民國十一年十一月邑人舒斯笏謹跋